

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

ارسطو سُنْد نظریہ ادب

غلام رسول ملک

تلخیص

قدیم یونانس میں اوس ادب عملی زندگی ہند اکھ لآزمی تہ فعال جز۔ ادیب اوس انفرادی تہ اجتماعی زندگی پٹھ غار معمولی اثر ہرکان ترأ وتھ غا لب ن تمہ کھوتہ زیادہ یوت زن ازیک سینما تہ ٹی، وی چھ تزاوان۔ یونا ٹک ڈراما، تچ زبانی روایتچ (Oral tradition) پابند شاعری تہ تچ سنگترأ شی اُس پر تھ یونانی سُنْد جمالیاتی تہ روحانی غذا۔ کلیدی الفاظ: انفرادی، اجتماعی، غار معمولی، یونا ٹک ڈراما، سنگترأ شی، روحانی غذا۔

ڈراما فیسٹولن میں اُس عام یونانی جمع گروہتھ مختلف شاہکارن پٹھ اظہار رائے گران تہ مقبول عام شاہکار اُس انعامن ہندی مستحق قرار دینہ یوان۔ عام یونانی ہندی ادبی مذاقچہ بلندی ہنز کیاہ ہیکہ امہ کھوتہ بڈ سُنْد استھ زاگاممنان (Agamemnon) تہ ایڈیپس (Oedipus) ہوی ڈراما یمن تکر

سند قبول عطا کورچھ و نہ تہ ادیکر اعلیٰ نمونہ۔ ادیکر امہ اہمیرہ کنز چھ اُس و چھان کہ یوناٹک پر تھ کانہہ مفکر، خاص پائٹھی سقراط، افلاطون تہ ارسطو چھ پنہن کتابن منز اتھ پٹھ بحث کران۔ افلاطون چھ ریاست (The Republic) تہ قوانین (Laws) ہشن ہتم بالشان کتابن منز شاعری پٹھ امہ حیثیتہ بحث کورمت زسمائی زندگی تہ قانون کس عملدرآمدس پٹھ کیا چھ امیک اثر پوان۔ ارسطو ہن آسہ پنہن ز کتابہ شاعری پٹھ بحث کرنہ خاطرے مخصوص کر مہ یعنی بوطیقا (Poetics) تہ (On the poets)۔ بیومنز چھے وونی اسہ نشہ گوڈنچی یا ژ کتاب موجود تہ سوتہ چھے اکہ مخصوص نو علیح کتاب۔ ارسطو اوس دویمہ پچ کتابہ لکھان۔ داغلی (Esoteric) تہ خار جی (Exoteric)۔ گوڈنکہ قسمہ چہ کتابہ آسہ یوان ارسطو ہندس مشور سکول لیسیس (Lyceum) منز پرناونہ خاطر لکھنہ بیتہ زن ارسطو تہ تہندک شاگرد مشکلات حل کرنہ خاطر تہ کینن واش کڈنہ خاطر ہمیشہ خاطر آسان اُس۔ قدرتی طور آسہ امہ قسمی کتابہ سبٹھاہ مختصر تہ جامع آسان۔ بوطیقا چھے کتابن ہندس اتھ قسمس تہ تعلق تھاوان۔ دویمہ قسمی کتابہ آسہ اُس عام قاری ہند خاطر شایع یوان کرنہ تہ یمن منز اُس اختصار تہ جامعیتہ بجایہ تفصیل تہ تشریح آسان۔ ارسطو چھ (On the poets) کتابہ متعلق ونان ز ”یہ چھے سانی اکہ شایع کرنہ آہہ (Exoteric) تصنیف“۔ ادیکر کاژاہ بد قسمتی چھے ز پڑھ ہشہ کتابہ چھے ضایع گامہ۔ گویا ووں چھے صورت حال یہ ز ارسطو ہند ادبی نظریات مشخص کرنہ خاطر چھ اسہ بوطیقا ہس کن رجوع کرن۔

بوطیقا ہک اصل موضوع چھ یونانی ڈراما مگر چونکہ ڈراما چھ ادبک اکہ حصہ تہ ارسطو چھ امہ حیثیتہ اتھ پٹھ بحث کران، امہ کہ اکہ مرکب فن (composite art) آسہ کہ حیثیتہ نہ کینہہ تھ منز زن اداکاری، باتھ، موسیقی، رقص تہ سٹیجکے معاملات تہ شامل چھ۔ نتیجہ چھ یہ ز ارسطو یہ کینوہا ڈراما ہس متعلق لکھان چھ تھ اندر چھ تم اصول مضممریم ادبس پٹھ بحیثیتہ مجموعی فن چھ سپدان۔ یمہ مضمونک موضوع چھ یہ اصول۔ ڈراما ہس متعلق چھنہ تھ مضمونس منز بلا واسطہ (direct) بحث کرنہ

آمت تکیا ز ارسطو سند نظریہ المیہ (theory of tragedy) چھ ساروے کھوتہ ژھوٹراونہ آمتین
موضوعن منز شامل۔

ادبچ حیثیت متعین کرنہ خاطر چھے اسہ ترہن اہم سوالن ہنز زانکاری حاصل کرچ
ضرورت۔ ادب کیا چھ؟ یہ کتھ پاٹھو چھ وجودس منز یوان؟ تہ امیک مقصد کیا چھ؟ بو طیقا ہس منز چھ
ارسطو دون سوالن پٹھ بحث کران۔ تکر سند اصل موضوع چھ ادبک کیا تہ کیا تہ کتھ پاٹھو یعنی ادبچ تخلیقی
نفسیات (psychology of creation) چھنہ سہ پنن موضوع بناوان۔ امہ موضوع کین
حدودن اندر چھنہ الہام (inspiration) کس تصورس پٹھ بحث کرچ کا نہہ گنجائش بیہ خاطر ہیملٹن
فینس (Hamilton Fyfe) ہیو نقاد ارسطو ہس مورد الزام چھ ٹھہراوان۔ سہ چھ شاعرانہ صلاحیت
(poetic talent) تہ شاعرانہ جنونس (poetic madness) گن مختصر اشارہ کران مگر موضوع
کئی چھنہ تمس بیم تصورات و بڑھناونگ اجازت دوان۔

گوڈ نکہ اہم سوالگ جواب دوان چھ ارسطو پننس اُستاد افلاطون سند پاٹھو مختصر یہ
ونان زفن چھ مای مپسس (Mimesis) مگر تکر سند مای مسگ تصور چھ افلاطونہ سند تصور نشہ یکسر
مختلف۔ افلاطون سند کئی چھ مای مپسس ناوحض نقالی ہند تہ امہ ور اے ہیکہ نہ یہ پیہ کہینہہ اُستہ تہ،
تکیا ز اسی چھ ژھاین ہندس اُکس دنیا ہس منز روزان۔ حقیقت چھے سانو اُچھونشہ مستور۔ افلاطون ہنز
خوبصورت تمثیلہ مطابق چھ اُکس گویا اُکس گوپھ منز بہتہ۔ امہ کس کس پٹھ چھ اکہ نار الاودزان یمہ ستر
گوپھ ہنز سولب پز لان چھے۔ ہتھ پٹھ سانہ نظر چھے۔ دُور چھ کتہ تام اکہ پپٹ شو (puppet
show) گندہ یوان۔ اچہ ژھایہ چھے روشن لبہ پٹھ پوان تہ اسہ بوزنہ یوان۔ ہتھ دُنیا ہس منز یہ
کینہہا اُکس و چھان چھ تہ چھ اصل حقیقتک عکس تہ فنکار ہنز تخلیق چھے عکسک عکس آسان۔
ارسطو چھ لفظ مای مپسس اکہ بالکل نو و معنی بخشان۔ تکر سند خیالہ مطابق چھ فنکار اُکس فن پارس

وجود بخشنہ وز اکھ نوو چیز پاد کران۔ سہ چھ تجربس منز پن احساس تہ مشاہد شامل کرتھ تہ اتھ اکھ ہیئت ترکیبی (structure) دتھ اکھ نوو دنیا وجودس منز انان۔ گویا ارسطو چھ مای مہسس نمایندگی تہ تخلیقہ کس معینس منز استعمال کران۔ پینتھ چھ مناسب زبہ کر ارد اہمہ صدی ہندس جرمن فلاسفر کانٹہ سندس نظریہ ادبس کن مختصر اشارہ۔ سہ چھ ونان زفن ہیکہ تریہ قسمک اُستھ انعکاسی (reproductive) تخلیقی (productive) تہ عبقری (sublime) انعکاسی (reproductive) فن چھ سہ تیج بنیاد نیپر پٹھ وصول کرنہ آمتن مشاہدن تہ تاثراتن پٹھ آسہ۔ تخلیقی فن چھ سہ ہتھ منز فنکار سہ منز تخلیقی صلاحیت حکشیہ عنصر غالب شامل آسہ تہ تیج ہیئت ترکیبی آسانی سان سانس فہمس منز ہیکہ ہتھ۔ عبقری فن چھ تخلیقی صلاحیتک سہ شاہکار ہتھ اندر ہیئت ترکیبی موجود آسان چھ مگر سون فہم چھنہ اتھ گرفتس منز ہرکان اُتھ۔ امہ فنجہ مثالہ چھ مونا لیزا (Mona Liza) تہ اہرام مصر۔ امہ تقسیمہ مطابق چھ ارسطو سند تصور مای مہسس دو نیمہ قسمکس فنس ستر رلان۔ بو طیقاس منز یس بحث ارسطو ہن فن کن مختلف پہلون پٹھ کورمت چھ ہتھ منز چھ تخلیقی عنصرک تصور رو حکو پاٹھو موجود۔ میون آیند بحث کر یہ کتھ وار پاٹھو واضح۔

مای مہسس کس سلسلس منز چھ ارسطو دون چیزن منز واضح فرق کران۔ مای مہسسک موضوع تہ امیک ذریعہ۔ امہ کس موضوعس منز چھ ارسطو انسانی زندگی تہ امکو مختلف رنگ تہ پہلو شامل کران۔ یوت تانی ذریعک تعلق چھ اتھ منز چھ مختلف فن اکھ اُکس نشہ مختلف آسان۔ اُکس نقاشہ سند ذریعہ اظہار چھ رنگ، اُکس سنگتراش سند چھ کز تہ ٹھین، اُکس موسیقار سند چھ آواز تہ اُکس ادیبہ سند چھ الفاظ تہ الفاظن ستر ستر آہنگ تہ ترنم تہ۔

فنیہ کس موادس گزھن، ارسطو ہند بو طیقاً مطابق ز اہم خصوصیتہ آسہ: (۱) مواد گزھہ سنجید چیزن پٹھ مشتمل آسہ (۲) اتھ اندر گزھہ فنکار ہند ہن اتھن منز نامیاتی وحدت (organic)

(unity) پاد گروہز۔ گوڈنکہ خصوصیتکہ خاطر یس لفظ ارسطوہن یونانی زبانی منتر استعمال کو رمت چھ تمیک ترجمہ چھ بو طبقا کو تمام مستند انگریزی ترجمہ کارو مثلن بوچر (Butcher) بانی واٹر (Bye Water) تہ وارنگٹن (Warrington) یعنی سنجید کو رمت۔ ہمفری ہاوس (Humphry house) چھ لکھان ز یونانی زبانی منتر چھ اتھ لفظس معنہ تیج بیا کہ جہت تہ تہ سو چھ تہ یہ گتھ اخلاقی حیثیت رت (good) آسن یعنی یہ زبالا خر گتھ یہ اخلاقی طور مفید ثابت سپدن دویمین لفظن منر ونویہ ز فنکار سندا موضوع گتھ انسانانی زندگی ہندا اہم معاملات آسن تہ یہ گتھ زندگی بامعنی تہ مفید بناؤن۔ پینن چھ اسہ یہ کتھ ژتس تھاونی ز یونانی تصور ادب چھ بنیادی طور اکھ اخلاقی تصور نیمہ مطابق زندگی تہ فن لازم و ملزوم چھ تمن نشہ چھنہ تیتھ کانہہ جمالیاتی تصور یس اخلاقی پابندی نشہ آزاد آسہ۔ امیک وجہ چھ یہ ز یونانی تہذیبس منر آس نہ شاعری سماجہ نشہ کانہہ الگ چیز۔ شاعر اوس معلم یوان مانہ تہ سماجس پٹھ اوس ٹکر سندا ڈبار اثر۔ اتھ معاملس منر چھ افلاطون تہ ارسطو پانہ وانی بالکل متفق۔ دونوے چھ مانان ز شاعری چھ اکھ سماجی تہ اخلاقی رول ادا کران۔ اختلاف چھ تمن تہ کتھ پٹھ ز یہ رول چھ مفید کنہ مضر۔ افلاطون چھ یہ اتھ بنیادس پٹھ مضر زانان ز شاعری چھ جذبات برانگیختہ کران تہ جذبات چھ عقلہ ہند کر دشمن تہ افلاطون سبز مثالی مملکت (Ideal Republic) چھ عقلہ ہند سے بنیادس پٹھ تعمیر گتھان۔ ارسطو ہند کر چھنہ جذبات بجایہ خود خراب کتھ۔ ضرورت چھ یمہ کتھ، ہنز ز یمن ہنز گتھ تہذیب تہ تعدیل سپدن تہ یم گتھن صحیح وتہ لاگتہ تہ۔ ادب، مثالی ادب چھ پیسہ ذمہ داری پور کران۔ پنہ کتابہ ریاست (Republic) کس دہمس بابس (Book X) منر چھ افلاطون چلیخ دوان۔

”مے چھ شوق ز یہ بوڑ ہائمس انسانہ ہند دلایل یس یہ ثابت کر ز شاعری

چھنہ دلچسپے یوت بلکہ چھ سماجہ تہ انسانانی زندگی خاطر مفید تہ۔“

ارسطوہن اوس پنہ نایاب کتابہ (on the poets) منر امہ سوالک تفصیلی جواب

دیستمت۔ بوطیقا کہ موضوع ستر تہ ہیکو اسی امہ کہ موضوعگ انداز کرتھ۔ پنے نظریہ مطابق اسی افسانہ افلاطون پنے اکاڈمی (Academy) ہندس سیلبس منشا عری کا نہہ جاے دژہ۔ اتھ برعکس چھ ارسطو سندر یقین زشا عری تہ ادب گڑھ نصاب تعلیمک لازمی جز اسن چناچہ سکندر اعظم سبز تعلیمہ خاطر یس نصاب تکر بنوومت اوس تھ منزا اوس ہومر (Homer) تہ شامل تہ ہومر پٹھ اسی تبصرہ تہ تشریح رنگہ ارسطو ہن اکھ کتاب تہ لچھ یوسہ ونبہ باقین واریہن کتابن ہندو پاٹھکی نایاب چھے۔

سنجد تہ بامعنی مواد تہ موضوع چھ ادیبہ ہند بن اتھن منزا کہ نامیاتی گلچ (Organic whole) شکل اختیار کران۔ گویا فنکار چھ پنے تخلیقی صلاحیت ستر خام موادس اکھ نشان بخشان۔

۱۔ (تھ مضمونس منزا بوطیقاہہ ہندو اقتباسات چھ بابی وائر ہندس ترمس پٹھ مینی)

ارسطو ہن چھ افسانہ جاپہ رنہ کس فنس پٹھ بحث کران وونمت زفن چھ خام فطرتس پونہ تہ مکمل کران۔ سبزی ماز تہ باقی چیز چھ رنہ ور اے ہضم گڑھان مگر رنگ فن چھ یمن بہتر تہ قابل ہضم بناوان۔ کتھ چھے سوے یوسہ اقبال پنے نظمہ 'محاورہ مابین خدا و انسانس' منزا ونان چھ۔ انمسان چھ خدا یس ونان:

توشب آفریدی چراغ آفریدم	سفال آفریدم ایان آفریدم
بیابان و کھسار و راگ آفریدی	خیابان و گلزار و باغ آفریدم
من آنم کہ از سنگ آینه سازم	من آنم کہ از زہر نوشینہ سازم

بوطیقا ہس منزا چھ نامیاتی وحدتگ تصور پیرایہ بدل او بدل او مختلف شکلن منزا سہ برو نہہ گن یوان۔ فن پارس اندر گڑھ اکھ ترتیب، اکھ نظم تہ اکھ ہم آہنگی آسے۔ انسانہ سبز دو ہدیچہ زندگی منزا، انسانی تو اترتخن منزا، داستان تہ دیو مالا می قصن منزا چھ انسانہ ہندو تجربات غیر منظم غیر مربوط تہ غیر مکمل آسان اتھ برعکس چھ فن پار منظم، متشکل تہ مکمل آسان۔ فن پارس گڑھ ارسطو ہند بن لفظن منزا 'ا کس زندہ مخلوقہ سبز ہش وحدت آسے'، 'حسین آسنہ خاطر چھ یہ ضروری ز پر تھ زندہ چیز تہ پر تھ نامیاتی کل گڑھ پانس اندر ربط

تہ ہم آہنگی تھاؤن۔“۔ یو ہے تصور واضح کران چھ ارسطو ونان ز اُکس فن پارس گڑھ گوڈ، منز تہ اند (Begning, Middle and End) آسن۔ یعنی یہ گڑھ اکھ مکمل وجود باسن تہ پرن ولس گڑھ نہ یہ باسن ز امہ پتہ یا امہ برونہہ گڑھ یہ تہ کینہہ آسن۔ یہ تصور زُسن چھ ترتیب، ہم آہنگی تہ عناصر ن ہند تناسبہ ستی وجودس منز یوان چھ اکھ مخصوص یوانی تصور تہ یہ چھ مختلف شکلن منز سقراط تہ افلاطون ہند بن خیالاتن منز ظاہر سپدان۔ یو ہے تصور چھ ارسطو ہندس شعر یاتس منز نامیاتی وحدتچہ شکلہ منز ظاہر سپدان۔

نامیاتی وحدتکہ اصولک لازمی تقاضہ چھ یہ ز فنکار گڑھ امکان (probability) تہ وجوہیکو (necessity) معیار قائم تھاؤن۔ ارسطو چھ یم ز اصطلاح یعنی وجوب تہ امکان وسیع تر معنیس منز استعمال کران۔ اکہ طرفہ چھ پھند تعلق فن پارچہ اندرونی ہیئت ترکیبی (structure) ستی۔ ہتھ اندر یکن معیارن ہنز خلاف ورزی گڑھ نہ سپدنی تہ دویمہ طرفہ چھ پھند تعلق فن پارس تہ حقیقی زندگی ہندس باہمی رشتن ستی۔ فنکار گڑھ حقیقی زندگی منز پنہ ورتا و خاطرہ تی منتخب کرن یہ یومعیار ومطابق آسہ تہ ہتھ پٹھو گڑھن اکہ فن پارکو تمام عناصر اکہ زہد وجودکو مختلف اعضا مانو یم باہم اُکس اکھ ستی مربوط چھ آسان، اُکس اکھ ستی لازماً تعاون چھ کران، بیہزن رگن اندر اُکے خون چھ گردش کران تہ یم دراصل اُکسے اعصابی مرکزس ستی تعلق چھ تھاوان۔ امہ اصولہ مطابق اگر اکہ فن پارکو بنیادی قانون بے ضابطگی آسہ تیلہ گڑھ یہ بے ضابطگی اتھ منز مسلسل اند پٹھ اندس تام باقاید پٹھو موجود آسہ۔ اُکس افسانوی تخلیقس منز گڑھ واقعاتن ہنز ترتیبہ اندرے پر ہتھ کانہہ چیز وپدن تہ کنہ چیزس متعلق گڑھ نہ یہ باسن زیہ چھ جبرن نیبر پٹھ ہونسنہ امت۔ غار معقول تہ نیبر پٹھ مسلط کرنہ آمتی عناصر (Dues Ex Machina) گڑھن نہ حتی الامکان اتھ اندر داُخل کرنہ تہ۔ اُکس کردار سُنقول و فعل گڑھ تہ گڑھ ہند فطرتک تہ طبیعتک قدرتی نتیجہ آسن بقول ارسطو:

”شاعری خاطر چھ اکھ غیر ممکن مگر بہتر لائق کتھ تمہہ امکانہ کھوتہ بہتر
 یتھ پٹھ نہ پڑھ بہیہ“۔

ادبس متعلق یتیمہ دویمہ اہم سوالگ جواب ارسطو سبز بو طبقا فراہم چھے کران تمیک
 تعلق چھ ادبکس مقصدس تہ قدر و قمتس ستر۔ یہ سوال چھ ادبی تنقید کس تار تخس منز مختلف فی ر و دمت
 اگرچہ ادبی تنقید کس تار تخس منز منزی منزی یہ راے تہ ظاہر کرنہ آہو چھے ز ادبگ مقصد گوشہ، نہ ادبہ نمبر
 (extra literary) آسن بلکہ گوشہ یہ محض جمالیاتی تسکینگ اکھ ذریعہ آسن تاہم چھے یہ کتھ واضح ز
 ادب چھ بہر حال زندگی متاثر کران، تکیا ز جمالیاتی تسکین چھ انسانہ سندس انداز فکر س تہ کر سبز عملہ سبٹھاہ
 حدس تام متاثر کران۔ او کز چھ تم ادبی نقاد زیادہ حقیقت پسندیم صراحتاً یہ کتھ تسلیم کران چھ ز ادب گوشہ
 نہ بے مقصد آسن۔

یتھ پاٹھی زن یتھ مضمونس منز برو نہیہ وضاحت چھے کرنہ آہو ز یونانی طرز فکر ستر چھنہ یہ
 کتھ بالکل واٹھ کھوان ز ادبس چھنہ کانہہ اخلاقی ذمہ داری تہ اثر۔ اتھ معاملس منز چھ یونا نکر تمام مفکر
 سقراط، افلاطون تہ ارسطو، ہم خیال۔

ارسطو چھ زندگی تہ کایناتس ہمیشہ امہ نقطہ نظر و چھان ز اتھ اندر چھ اکھ مقصد پو شید۔
 فطرت چھنہ کانہہ تہ چیز بے مصرف پاد کران۔ مخلوقا تو منز چھنہ کانہہ سہ چیز یس نہ پئن مقصد تہ املکہ پور
 کر نچ صلاً حیت بہتھ وجودس منز چھ یوان۔ وجوب مقصد یا (entelechy) چھ ارسطو سبز نظر ن منز
 کایناتچ سار وے کھوتہ بد حقیقت یتیمیک مطلب یہ چھ ز مقصد تہ مقصد پور کر نچ قوت چھ پر تھ چیزس
 منز ودیعت کرنہ آمت۔ پر تھ کانہہ چیز چھ ارتقا کران کران تھ سبٹس پٹھ واتان یتہ املکہ مقصد چ تکمیل
 چھے سپدان۔ ارسطو چھ شاعری پٹھ تہ یو ہے اصول منطبق کران۔ بو طبقا ہس منز چھ لیکھان:

”یہ سوال ز المیہ چھاتر ترقی کران کران پنہ تکمیلی شکلہ

تام وومت چھ اکھ الگ بحث۔

شاعری ہند مقصدِ خاطر چھ ارسطو (catharsis) یا تطہیر چھ اصطلاح استعمال کران۔ شاعری چھے جذباتن ہنز تطہیر یا تہذیب تہ تعدیل کران۔ تمن صحیح وتہ لاگان تہ غلط رخ اختیار کرنہ نشہ بچاوان۔ دویمین لفظن منز چھے شاعری انسان ہنز شخصیت ہند تمن پہلون ہنز را چھ کران یمن ہند تعلق احساساتن تہ جذباتن ستر چھ۔ فلسفہ، مذہب، سائنسی تہ معاشرتی علوم چھ انسانی دماغس تہ ذہنس واتان مگر اگر فنون لطیفہ آسن نہ انسان بنہ محض اکھ تیتھ کمپیوٹریس لطیف انسانی جذباتون نشہ خالی چھ آسان۔ شاعری تہ باقی فنون لطیفہ چھ امہ نقطہ نظر تیتی اہم پتر باقی علوم چھ تکیا زیمووراے چھے زندگی یکطرفہ تہ ناقص روزان۔ افلاطون اُس یسے غلطی کرہو۔ تم اوس سوچت ز عقلے چھے سارے کتھ تہ انسانہ ہنز انفرادی تہ اجتماعی زندگی ہنز بنیاد گوشہ عقلہ پٹھ آسن۔ ارسطو ہن دیت تطہیر کہ تصور کہ ذریعہ امہ اعتراضک جواب۔ تطہیر چھے بو طیقاً چ ساروے کھوتہ اہم اصطلاح۔ فنہ کن مختلف موضوعن پٹھ بحث کران چھ ارسطو برابر یہ خیال تھاوان زیم ساری گوشن بالآخر تطہیر کس مقصدس آبیاری کرنی۔ یہ کتھ چھے بالکل فطری تکیا ز ارسطو ہس تہ افلاطونس یس اصل نزاع چھ سہ چھ اخلاقی نوعیت تہ اتھ نزاعس منز چھ ارسطو سند موقف تطہیر ک تصور مشخص کران۔

امہ ستر چھ پانے نیمہ بحث تہ فاصلہ گوشہ ان ز تطہیر چھ حیاتیاتی، طبی، نفسیاتی یا اخلاقی اصطلاح۔ فی الاصل چھے یہ اکھ اخلاقی اصطلاح مگر پر تھ اخلاقی تصور کر پاٹھی چھ اتھ نفسیاتی، طبی تہ حیاتیاتی پہلو تہ۔ یس چیز میانس اخلاقیس پٹھ اثر چھ تراوان سہ چھ گوڈ میون نفسیات متاثر کران تہ اخلاقی تہ نفسیاتی اثر چھ بالآخر انسانہ ہندس جسمس تہ صحتس پٹھ تہ اثر تراوان لہذا چھ تطہیر پنہو مضمرا تو کنز اکھ جامع تہ کثیر الجہت اصطلاح۔

امہ کو نفسیاتی مضمرا تو کنز چھ فروید ہندس نظریہ ادلس ستر امیک تعلق واضح۔ فروید ہندس

خیالیں منظر چھ ادب دباونہ آمتین خذباتن (inhibited emotions) ہند تسکینگ موقعہ فراہم کران۔ اکھفن کار بیلہ اکھ تخلیق وجودس منظر چھ انان سہ چھ تمو جذباتو پٹھ غار شعوری طور ٹھان تھان یم مختلف سماجی، اخلاقی تہ باقی دباوونہ کز دباونہ چھ آسان آمتز۔ اتھ چھ فروید عمل ترفع (sublimation) ونان۔ ارسطو ہندس تطہیر کس تصورس چھ نئی پاٹھک یہ جہت حاصل۔ حیران گن کتھ چھ یہ ز افلاطون تہ چھ اصولن یہ کتھ مانان۔ قوانین (Laws) کتابہ منظر چھ سہ لیکھان:

”بیبلہ بچہ چھ بے قرار آسان اُس چھ نہ خاموشی آمتز تہند علاج کران۔ اُس چھ تمن با تھ بوز ناوان تہ للہ ناوان۔ بیتہ پاٹھک بیبلہ (شرا بکس دیوتا باکس (Bacchus) ہندک پیر و مژرس تہ بے قراری منظر چھ آسان تم چھ نرنہ تہ گونہ آمتز یہ مژر ژ لراوان۔ دوشوئی صورتن منظر چھ نیمیرم تلام اندرس تلامس خاموش کران۔ بچہ چھ شو نگان تہ باکس ہندک پیرو چھ معمولکس دماغی صحتس منظر یوان۔“

حارانی چھ یہ ز شاعری پٹھ حملہ کرنہ وز کتھ پاٹھک گے افلاطونس یہ حقیقت مشتہ۔ تھے پاٹھک چھ آبی، اے رچارڈس ہندس ادبہ کس مقصدس تہ قدر و قیمتس متعلق نظر یہس آمتز تطہیرک تعلق واضح۔ رچارڈس ہندک کئی چھ ادبچ قدر (value) یہ زہ چھ سون نفسیاتی توازن بحال کران۔ عملی زندگی منظر یم نفسیاتی الجھن تہ ذہنی خرابی اسہ اندر پاؤچھے سپدان تم چھ سبٹھاہ جذباتی خاہشہ (Appetencies) وجودس منظر انان تہ امہ آمتز چھ سون نفسیاتی توازن راوان تہ یوت تام نہ یم مطمئن گزہن توت تام چھنہ یہ بحال گزہان۔ شاعری چھ یم (Appetency) پور گرتھ سون نفسیاتی سکون بحال کران تہ بیتھ پاٹھک اسہ بہتر انسان بناوان۔ گویا شاعری چھ انسانیت ساز (Humanizing) یہ مخرب اخلاق تہ

مخرب انسانیت نہ کہینہ تہ یہ زن افلاطونہ ہنزر اے اُس۔

یہ کتھ زِ ارسطو چھ تطہیر سچ اصطلاح اُتھی معنیس منز استعمال کران چھ ارسطو ہنزر کتابہ ”سیاست“ (Politics) کہ کہ اقتباسہ ستر واضح گتھان۔ موسیقی متعلق گفتگو کران چھ ارسطو اتھ کتابہ منز ونان زِ یہ چھ سائنس جذباتن لوژراوان تہ امہ پتہ چھ ارسطو ونان زِ ”بہ کر یہ کتھ شاعری ہندس نخشس منز ہنا وارپاٹھی واضح“۔

شاعری ہندس اسلوبس یا اسٹائلس متعلق یہ کینہہ ہاہ ارسطو ہن وڈومت چھ تہ چھ بظاہر قابل اعتراض باسان۔ یہ کتھ چھ ادبک ہر کانہہ مبتدی زانان زِ اسلوبک کانہہ مصنوعی تہ میکانکی (mechanical) تصور چھ باطل۔ اسلوب چھ موادک قدرتی تہ و اُحد ذریعہ اظہار تہ یٹھ تجربہ آسہ تہ تنھ آسہ اسلوب تہ یہ وُن چھ حماقت باسان زِ اسلوب گتھہ یٹھ تہ یٹھ آسُن۔ ادبس منز چھ اسلوب مواد بنان تہ مواد اسلوب بنان۔ بہنر باہمی فرق چھ ختم گتھان تہ فن پار چھ کہ نامیاتی کلچ شکل اختیار کران۔ لہذا ینہہ ساتھ ارسطو اسلوبک اکھ فارمولا چھ پیش کران اسہ چھ حار اُنی گتھان۔ سہ چھ ونان زِ شاعرس پزن واریاہ غار مانوس لفظ استعمال کرنی تاکہ کُ سُنڈ اسٹائل بنہ شاندار مگر حد کھوتہ زیاد نہ کینہہ تکیا زِ تنھ پاٹھی بنہ کُ سُنڈ تحریر اکھ پڑتھ تہ معمہ۔ گویا سہ گتھہ دون انتہا ہن منز، درمیان پکن۔ نہ گتھہ سہ بالکل عامی زبان استعمال کرن نہ بالکل غیر مانوس تہ ناقابل فہم زبان۔ میانی راعے چھ زِ ارسطو چھنہ اسلوبس پٹھ تخلیقی نفسیاتکہ نقطہ نظر بحث کران بلکہ چھ سہ اتھ پٹھ پرن و اُلک ہنڈ حیثیتہ نظر تراوان۔ یعنی سہ چھ ونان یہ زاکھ جان اسلوب کینتھ چھ اُکس پرن و اُلکس باسان نہ یہ ز اُکس تخلیقی فنکارس کیا پز فن تخلیق کرنہ وزیہ فارمولا یاد تھا وُنی۔

مگر استعارس متعلق یہ کینہہ ہا ارسطو چھ ونان سچ توجیہہ (Explanation) کرنی چھ ہنا مشکل باسان۔ از چھ ادبک ہر کانہہ طاکب علم زانان زِ استعار (Metapher) چھ شاعری ہند جان۔ بلکہ پز

اسہ یہ وزنِ شاعری چھے استعارے۔ دراصل چھے زبان بجائے خود استعارے۔ مے بروٹھ کنہ چھ سٹیلنگ یا چپنواکھ تھپہ دار بانہ یتھ بہ پیالہ چھس ونان یا لجن، و تھرن تہ مولن ہند بنیومت اکھ چیز یتھ بہ ’گل‘، چھس ونان۔ مے چھنہ معلوم زمین چیزن ہنز اصل حقیقت کیا چھے مگر پٹن خیال اکھ اُکس نشہ و اتناونہ خاطر تہ تمدنی زندگی ممکن بناونہ خاطر چھ اسہ یمن ہند خاطر ’پیا لکڑ‘ تہ ’گلکڑ‘، استعارے گرو تہ۔ یتھ پٹھ چھے سارے زبان استعارے۔ عام حالاتن منز چھ اسے یہ حقیقت امہ کنہ مشراوان تکیا زیم استعارے چھ وونی شونگو تہ استعارے (Dead Metaphors)۔ شاعر چھ شونگو متبن استعارن ہندس دنیا ہس منز زند تہ ہوشیار استعارے پادکران۔ امہ لحاظ چھ شاعری ناواستعارن ہند امکانات تلاش کرنک۔ یہ حقیقت نظر تل تھاتھ چھے ارسطو سہنہ یہ کتھ عامیانہ باسان ز استعارے کیا چھ محض اکھ ظاہری آرائش۔ گویا سہ چھنہ استعارس شاعری تہ Organic تصور کران یعنی سہ چھنہ یہ مانان ز اتھ چھ شاعری تہ عضوی واٹھ بلکہ چھے تہ سہنہ راے یہ ز یہ چھ امہ نشہ کانہہ الگ (Detachable) تہ زیور کو پٹھ نیپر پٹھ لاگنہ آمت چیز۔ غالبن چھ امیک وجہ یہ ز تمس بروٹھ کنہ اوس ڈراما۔ تھ منز بنیادی زور ہیت ترکیبی یا سٹرکچرس (structure) تہ واقعاتن ہنز ترتیبہ یعنی پلاٹس پٹھ چھ آسان۔ زبانی ہندس پہلوس پٹھ چھنہ سہ زور دنہ یوان یس مثلاً شاعری منز اتھ پٹھ دنہ چھ یوان۔ مگر یہ کتھ چھے بجایہ خود درست ز استعارس پٹھ ارسطو سند مختصر کلام چھ ہناتشنہ باسان۔

کتا بیات:

1. Mark cohen, Aristotle, university of washington
2. Gill , M. L. , Aristotle's Metaphysics Reconsidered, journal of philosophy, 2005